

Ngoenzneix Mwngez Gwn Faenjlauxyoux Mboujcaengz?

今天你吃老友粉了吗?

□ Maknam comz hoiz

Gangj daengz gijgwn Guengjsae, faenj ca mbouj geijlai ciemq bae baenz mbiengj mbwn. Gih raeuz diegdieg cungj miz gij faenj daegsaek de, lumjbaenz faenjhaeux Gveilinz, faenjlwgsae Liu-j-couh, faenjsaemj Binhyangz, faenjvemou Ginhcouh daengj. Laeng Nanzningz, cix dwg faenjlauxyoux ceiq mizmingz. Bi 2008, faenjlauxyoux Nanzningz ndaej senj haеuj buек daihngеih swеigih gaep feihyiz mingzloeg.

Gangjgangj Guhfap

Gij liuh faenjlauxyoux cuengq ndaej lai, raemxdang cix dwg аеu ndokdoengz menhmenh аеuq baenz. Dwk feizhaenq, аеn rek ndat le couh dwk di youz haеujbae, youz ndat doq dwk noh soiқ, suenq soiқ, daeuhseih, lwgmanh soiқ daengj liuh roengz rek bae cauј gonq, cuengq di laeuj itheij cauјok heiqrang. Doeklaeng gya rangzsoemj, meiq caeuq ciengqyouz laebdaeb cauј, yienghneix couh ndaej dwk raemxdang, goeb fa, dwk feizhaenq. Raemx goenjhuзhuz le couh dwk faenj, rek faenj dauq goenj couh ndaej vanq coeng, faenj hozceи caeuq faenj sagieng daengj liuh. Gucanj baez ndau couh ndaej daek hwnj lo. Ndigah vunz naeuz, cawj faenj-lauxyoux feiz аеu haenq fwngz аеu vaiq, mbouj ndaej ndau deiн, mboujmiz noh couh nyangq, faenj cix heiн yungz. Gij faenjlauxyoux ngamq cawj ndei de, ndatvauqvauq, soemjset sangjbak, manh cix habngamj, raemxdang hom youh noengz. Soemj, manh, loq ndaengq, rang dwg gij daegdiemj faenjlauxyoux. Rangzsoemj, daeuhseih, suenq daengj liuh doxyaux youq giz ndeu, boiq ndaej ngamqngamq ndei, ndawde rangzsoemj caeuq daeuhseih ceiq mbouj ndaej noix lo. Heiq soemj caeuq heiq manh doxgap ndaej gig ngamj. Seizhah gwn le haibak, seizdoeng rumzbaek cioo, gwn vanj faenjlauxyoux ndatfwdfwd ndeu ceiq ndei mbouj gvaq lo.

Gojgaeq Lizsij

Vangh Cwnghgiz youq bonj saw 《Feihdauh Gwnzbiengz》 ndawde raiz naeuz: “Vunz Fuzgen, vunz Guengjsae maij gwn rangzsoemj, gou caeuq Gyaj Bingzvah youq Nanzningz mbouj maij gwn haеux diegdakdaih, cungj maij okrog bae doeng gwn sae gwn. Bingzvah baez haеuj-dou, couh hemqnaeuz:

‘Mienhlauxyoux!’ Mienhlauxyoux couh-dwg rangzsoemj, noh ronqsei caeuq dang romx mienh, mbouj rox vihmaz heuh ‘lauxyoux’.” Gij goj faenjlauxyoux caemh lumj faenj de nei gig miz feihdauh, riuz youq rangh dieg vunz gwn faenjlauxyoux.

Cienznaeuz, 20 sigij codaeuz, bang baengzyoux ndeu ngoenzngoenz bae bouqgaicaz laeng dieg cungsim Nanzningz doxcomz gwn caz. Ngoenz ndeu, ndawde miz bouxbaengzyoux baenz binghganjmau, ninz gwnzmbonq mbouj ndaej hwnq. Bouxlauxbanj rox le simyou raixcaix, couh аеu mienh caeuq suenq, daeuhseih, lwgmanh, rangzsoemj, noh soiқ, faenj hozceи daengj doxcaeuq cawj, soengq hawj bouxlauxyoux baenzbingh neix gwn. Vanj mienh ndatfwd cix manh cix soemj, rangfwdfwd, bouxde gwn dwk cenghyubyub, hanh conн liux, doek-laeng ganjmau caemh ndei lo. Bouxbaengzyoux neix vihle gyo’mbaiq lauxbanj, couh raiz le gaiq baizbenj “Lauxyoux Ciengz Daeuj” soengq hawj de. Gaxlaeng, mienhlauxyoux couh yienghneix okmingz lo. Vunz baihnamz gwn faenj hamq lai, ndigah couh miz le “faenjlauxyoux”.

“Lauxyoux” Nanzningz


Gij goj neix mbouj rox caen hixnaeuz gyaj, hoeng youq Nanzningz, gaiqgaiq cungj ndaej “lauxyoux”, lumj byalauxyoux, saelauxyoux, lauxyoux cauј vahgyaz, lauxyoux cauј faenj daengj. Lauxyoux, lauxyoux, couhdwg daenj vaq caemh doengz, doxbang doxbaengh. Aen bouqdiemq iqet laeng luengqhongh couh aiq yo miz vanj faenjlauxyoux feihgwn ndeu. Song sam boux baengzyoux doxiu gwnfaenj, cejgoj lwnh saehranz, gig cwxcaih. Gyawj geij bi neix, cwngfuj yawjnaek faenjlauxyoux, gaenxmaenx dajcauh аеn binjbaiz faenj de. Faenjlauxyoux caemh menhmenh youq guek raeuz mizmingz lo, gak dieg vunz lai lij youq gwnzmuengx cawx baenz bau faenjlauxyoux ma cawj gwn.

Doiq vunz Nanzningz ma gangj, vanj faenj iqet, yo miz gij heiқ-hoenzfeiz gwnzbiengz naekna de, lij ce miz gij vwnzva gijgwn Nanzningz, dwg cungj sim niemh ranzmbanj. Ndigah, gak boux baengzyoux, ngoenzneix sou gwn faenjlauxyoux mboujcaengz?

(Gij doz daj gwnzmuengx аеu)



▲ Faenjlauxyoux.



▲ Rangzsoemj caeuq daeuhseih mbouj ndaej noix.